

JP "Putevi i komunikacije" d.o.o. Lukavac
Nadzorni odbor
Broj: 53/21
Lukavac, 23.06..2021. godine

Na osnovu člana 257. stav 1. tačka f). a u vezi sa članom 303. Zakona o privrednim društvima („Službene novine FBiH", broj: 81/15). člana 12. Zakona o javnim poduzećima ("Službene novine Federacije BiH", broj 8/05, 81/08, 22/09 i 109/12). člana 8 Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH", broj: 12/03, 34/03 i 65/13), člana 11. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona ("Službene novine Tuzlanskog kantona", broj: 11/19), a u skladu sa članom 56. Statuta JP " Putevi i komunikacije" d.o.o. Lukavac i Odluke o raspisivanju Javnog konkursa za izbor i imenovanje direktora JP "Putevi i komunikacije" d.o.o. Lukavac broj: 52/21 od 23 .06.2021. godine, Nadzorni odbor Javnog preduzeća "Putevi i komunikacije " d.o.o. Lukavac na 3. (trećoj) redovnoj sjednici održanoj 23.06.2021. godine, raspisuje

JAVNI KONKURS

za izbor i imenovanje direktora

Javnog preduzeća za upravljanje, zaštitu i održavanje javnih parkirališta i obavljanja djelatnosti od javnog interesa " Putevi i komunikacije" d.o.o. Lukavac, na mandatni period od 4 (četiri) godine.

I

Direktor je nadležan da

- predstavlja i zastupa Društvo prema trećim licima i odgovara za zakonitost rada i poslovanja Društva,
- organizuje i vodi poslove Društva,
- izvještava Nadzorni odbor po njegovom zahtjevu,
- vrši provedbu Etičkog kodeksa i Statuta,
- izrađuje i nadzire realizaciju planova poslovanja,
- izrađuje i donosi provedbene propise (Uputstvo i Pravilnik) za postupak nabavki i provedbu Zakona o javnim nabavkama Bosne i Hercegovine uz saglasnost Nadzornog odbora, te provodi odredbe propisa o nabavkama i po zaključenju ugovora o nabavci podnosi izvještaj Odboru za reviziju i Nadzornom odboru,
- priprema prijedlog za raspodjelu dobiti,
- nadzire radnike u implementaciji važećih propisa i provedbenih propisa o nabavkama,
- obezbjeđuje distribuciju i implementaciju Etičkog kodeksa i postupanje svih odgovornih lica u skladu sa Etičkim kodeksom Društva tako što protiv lica koja krše Kodeks provodi disciplinski postupak,
- vrši zapošljavanje i otpuštanje radnika u skladu sa pravilnicima, poslovnica, i važećim zakonima, i u vezi s tim ima dužnosti i odgovornosti propisane članom 45. Zakona o javnim preduzećima,
- zaključuje ugovore u ime Društva,

- obavlja i druge poslove utvrđene zakonom i Statutom od značaja za nesmetano odvijanje organizacije rada i vođenja poslovanja Društva.

II

Kandidat treba da ispunjava opšte i posebne uslove, i to:

Opšte uslove

1. da je državljanin Bosne i Hercegovine (dokaz: uvjerenje o državljanstvu, ne starije od šest mjeseci, pri čemu se navedeni rok računa od dana izdavanja uvjerenja od strane nadežnog organa do dana predaje prijave na Javni konkurs)
2. da je osoba starija od 18 godina, a mlađa od 65 godina na dan imenovanja (dokaz: Izvod iz matične knjige)
3. da nije otpušten iz državne službe, kao rezultat disciplinske mjere na bilo kojem nivou vlasti u BiH, u periodu od tri godine prije dana objavljivanja ovog konkursa (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca).
4. da se na kandidata ne odnosi Član IX tačka 1. Ustava BiH (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine (Službene novine Federacije BiH", broj: 12/03, 34/03 65/13) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
6. da nije osuđivan za krivično djelo kao i privredni prijestup nespojiv sa dužnošću direktora preduzeća, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
7. da nije osoba kojoj je presudom Suda zabranjeno obavljati dužnosti iz nadležnosti direktora preduzeća (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
8. da ne obavlja dužnost, aktivnosti ili da nije na položaju koji dovodi do sukoba interesa shodno Zakonu osukobu interesa u organima vlasti u Federaciji BiH (Službene novine Federacije BiH", broj: 70/08) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
9. da ne podliježe ograničenjima utvrđenim u članu 252. Zakona o privrednim društvima Federacije Bosne i Hercegovine („Službene novine FBiH", broj: 81/15) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca)
10. da ima opću zdravstvenu sposobnost za obavljanje funkcije za koju se kandiduje.

Posebni uslovi

1. da posjeduje visoku stručnu spremu - VII stepen, odnosno visoko obrazovanje koje se vrednuje sa najmanje 240 ECTS, tehničkog ili društvenog smjera (dokaz: univerzitetska diploma o sticanju VSS, VII stepen stručne spreme odnosno visokog obrazovanja ciklusa studija koje se vrednuje sa 240 ECTS bodova ili ovjerena kopija od strane nadležnog organa),
2. da ima najmanje 5 (pet) godina iskustva u struci nakon završene visoke stručne spreme (dokaz: Potvrda ili Uvjerenje poslodavca o radnom iskustvu u struci nakon završene visoke stručne spreme),
3. da je prošao odgovarajuće usavršavanje u skladu sa članom 252. stav 3. Zakona o privrednim društvima i Uredbom o usavršavanju predsjednika i članova Nadzornih odbora i Uprava privrednih društava sa učešćem državnog kapitala (Službene novine Federacije BiH", broj: 71/09, 33/10, 23/11, 2/12, 80/13, 60/16 i 88/17) ili da preuzima obavezu da usavršavanje obavi u roku predviđenom ovom Uredbom (dokaz: Certifikat o završenom usavršavanju izdat od nadležnog organa- Privredne/ gospodarske komore ili Uvjerenje izdato od nadležnog organa - Privredne/ Gospodarske komore da je kandidat podnio prijavu za usavršavanje članova Nadzornih odbora i Uprava privrednih društava sa učešćem državnog kapitala sa izjavom kandidata ,svojeručno potpisana, a potpis na izjavi ovjeren od strane nadležnog organa, ne starija od tri mjeseca, da preuzima obavezu da usavršavanje obavi u roku od 1 (jedne) godine od dana imenovanja na poziciju),
4. položen stručni ispit tehničke struke ili ispit za rad u organima uprave,
5. poznavanje rada na računaru,
6. poznavanje jednog stranog jezika.

III

Potrebni dokumenti:

(1) Uz prijavu na javni konkurs kandidati za direktora dužni su priložiti: kraću biografiju, adresu i kontakt telefon, te odgovarajuću dokumentaciju (original ili ovjerena kopija) kojom dokazuju da ispunjavaju opće i posebne uvjete javnog konkursa.

(2) Kandidat za direktora je obavezan uz prijavu na javni konkurs podnijeti program i plan razvoja Društva u mandatnom periodu.

Lični podaci o učesnicima u javnom konkursu su tajni i mogu se prikupljati i obrađivati u skladu sa Zakonom o zaštiti ličnih podataka („Sl.glasnik BiH“, broj: 49/06, 76/11 i 89/11).

IV

Nadzorni odbor prilikom provođenja konkursne procedure zadržava pravo provjere svih podataka iz izjava i drugih dokumenata kandidata.

V

Izabrani kandidat dužan je prije stupanja na dužnost direktora priložiti:

- 1. Uvjerenje o zdravstvenoj sposobnosti - Ljekarsko uvjerenje nadlene zdravstvene ustanove kojim dokazuje opštu zdravstvenu sposobnosti*
- 2. Uvjerenja nadležnog organa za tačke 6. i 7. Iz tačke II. ovog Javnog konkursa(dokaz: Uvjerenje o nekažnjavanju, ne starije od 3 mjeseca od dana prijave na Javni konkurs i Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca) , kao i Uvjerenje da se protiv kandidata ne vodi krivični postupak , izdato od nadležnog organa, ne starije od tri mjeseca od dana prijave na Javni konkurs.*

VI

Sa svim kandidatima koji ispunjavaju opšte i posebne uslove Javnog konkursa i koji blagovremeno dostave svu dokumentaciju kako je utvrđeno Javnim konkursom, biće obavljen intervju, o čemu će kandidati biti pismeno obavješteni.

VII

Ovaj Javni konkurs objavit će se u dnevnom listu „Oslobođenje" i na internet stranici Osnivača - Općina Lukavac.

VIII

Ovaj Javni konkurs ostaje otvoren 15 (petnaest) dana od dana njegovog objavljivanja u dnevnom listu Oslobođenje.

IX

Položaj, ovlaštenje, odgovornost i prava direktoru preduzeća utvrduju se ugovorom između Nadzornog odbora i direktora preduzeća.

X

Prijave sa traženim dokumentima treba dostaviti lično ili putem pošte na adresu:

*JP "Putevi i komunikacije" d.o.o. LUKAVAC
UL, PARTIZANSKI PUT bb
75300 LUKAVAC
sa naznakom*

"PRIJAVA NA JAVNI KONKURS ZA IZBOR I IMENOVANJE DIREKTORA JP " PUTEVI I KOMUNIKACIJE" D.O.O. LUKAVAC - NE OTVARATI". Na poleđini koverta je obavezno naznačiti ime i prezime, te adresu podnosioca prijave. Neuredne, nepotpune i neblagovremene prijave neće se uzeti u razmatranje. Preduzeće nije obavezno vraćati dokumentaciju dostavljenu uz prijavu.

Predsjednik Nadzornog odbora

Sanel Bleković, mr. dipl.ing.geod.